



IGANTZIKO UDALA

DEIALDIA IGANTZIKO IGERILEKU PUBLIKOAN SOROSLE ARITZEKO, ALDI BATERAKO LAN KONTRATUAREKIN ETA HAUTAPEN PROBEN BITARTEZ

OINARRIAK:

1. Oinarria. Arau orokorrak.

1.1. Deialdi honen xedea da Igantzi Udaleko igerileku publikoan aritzeko bi sorosle kontratatzea, aldi baterako lan kontratuarekin eta hautapen proba bitartez.

1.2. Honako hautapen proba honetatik eratorritako kontratuaren **iraupena 3 hilabete eta egun batekoa** izanen da, ekainaren 15etik irailaren 15era.

1.3. Lanpostu honetako **lansari gordina hilabeteko 1.655,56 eurokoa** izanen da. .

1.4. Lanaldia osoa izanen da. Igerilekuen denboraldian egin beharreko ordu-kopurua kontuan harturik, bi sorosleen artean adostuko da bakoitzak egin beharreko lanaldia (txandak, egunak, orduak, etab.), jendaurrera igerilekuak irekita dauden bitartean beti sorosle bat dagoela bermatuz.

1.5. Izendatuak honako eginkizun hauek izanen ditu:

- Sorosle lanak.
- Uraren inguruko betebeharrak betetzea, horien artean hauexek: uraren kalitatea zaindu, indarrean diren aginduen arabera, eta kontrol ofizialeko liburuan egunero egindako analisisien emaitzak jaso, hau ere indarrean den araudiaren arabera.

1.6. *Kontratazioak Nafar Lansare – Servicio Navarro de Empleo zuzendari kudeatzailearen 251/2018 Ebazpenean ezartzen denaren arabera egin ahal izanen da, interes orokorreko edo sozialeko obra eta zerbitzuak egiteko langabeak kontratatzeko.*

2. Oinarria. Izangaiek bete beharreko baldintzak:

Honako deialdi honetan onartua izateko izangaiek, eskabideak aurkezteko epea amaitzen den egunean eta kontratazioarekin hasi aitzinetik, baldintza hauek bete beharko dituzte:

a) Espainiako herritarra izatea edo Europar Batasuneko bertze Estatu batekoa, edo langileen joan-etorri askea aplikatzen den eremuko Estatu batekoa, Europar Batasunak sinatu eta Espainiak berretsitako nazioarteko tratatuak direla medio.

Espainiarren eta Europar Batasuneko bertze estatu bateko edo aipatu nazioarteko tratatuek ukitutako Estatuetakoa herritarren ezkontideek ere parte har dezakete, zuzenbidez berezita ez badaude. Era berean, haien ondorengoek eta ezkontiderenek, legez bananduta ez badaude, hogeita bat urtetik beherakoak badira, edo gorakoak, haien kontura biziz gero.



IGANTZIKO UDALA

b) Hamasei urte beteak izatea eta nahitaezko erretiroa hartzeko ezarritako adina gainditua ez izatea.

c) Lanpostuaren eginkizunak betetzeko behar diren gaitasun fisikoak eta psikikoak izatea.

d) Eginkizun publikoetan aritzeko ezgaitua edo gabetua ez egotea eta administrazio publikoren baten zerbitzuetik bereizia izan ez izana.

e) Euskararen ezagutza maila –C1 ahoz eta B2 idatziz- honela frogatzea:

- C1 mailako agiria edo baliokidea aurkeztu eskaerarekin batera.
- Jakite-maila egiaztatzeko probak gainditzea.

f) Sorosle titulazioa izatea ondorengo moduren batera egiaztatuz:

- Maiatzaren 19ko 123/2003 Foru Dekretuan eskatzen zen prestakuntza duela egiaztatzea; prestakuntza hori foru dekretu berria indarrean sartu aurretik lortutakoa izan behar du, hau da, 2018ko abenduaren 16a baino lehen.
- Nafarroako Foru Komunitateko igerilekuen higie eta segurtasun baldintzak ezartzen dituen urriaren 24ko 86/2018 Foru Dekretuaren ondorengo titulazioetako bat izatea:
 - LANBIDE-KUALIFIKAZIOAK
 - Ur-instalazioetako sorospena.
 - Sorospena ur-eremu naturaletan.
 - Igeriketa jarduerak.
 - KIROL-IRAKASKUNTZAK
 - Salbamendu eta Sorospeneko kirol-teknikaria.
 - Salbamendu eta Sorospeneko goi-mailako kirol-teknikaria.
 - LANBIDE HEZIKETA
 - Natur inguruneko eta aisialdiko gidaritzako teknikaria
 - Gorputz- eta kirol-jardueren animazioko goi-mailako teknikaria.a
 - Egokitze Fisikoko goi-mailako teknikaria.
 - Irakaskuntza eta animazio soziokiroleko goi-mailako teknikaria.

g) Kanpoko desfibriladore automatizatuen prestakuntza eguneratua izatea eta horiek erabiltzeko prestakuntza (DESA egiaztagiria).

3. Oinarria. Eskabideak.

3.1. Eskabideak (I. **eranskina**) Igantziko Udaletxeko Erregistroan aurkeztu behar dira edota 39/2015 Legeko 16.4 artikuluan ezartzen diren baliabideak erabilia.

Bigarren kasu horretan, 24 orduko epean, izangaiak posta elektronikoz jakinarazi beharko dio Igantziko Udalari eskaera aurkeztu duela (idadzari@igantzi.eus).

Gainera, "Correos"eko bulego batean aurkeztuz gero, kartazal ireki batean sartu beharko du eskaera, ziurtatu aurretik datatu eta zigilatua ahal izateko.



IGANTZIKO UDALA

3.2. Eskabideak deialdi honetako I. eranskinean agertzen den ereduaren arabera izanen dira eta bertan izangaiak bete behar guztiak betetzen dituztela ziurtatu beharko dute eskabideak aurkezteko epearen azken egunean.

3.3. Eskabideak aurkezteko epea **2024ko maiatzaren 17ko eguerdiko 14:00ak artekoa** izanen da.

3.4. Eskabidearekin (I. eranskina) batera dokumentazioa aurkeztu behar da:

- N.A.N. fotokopia.
- 2. oinarriko f) eta g) puntuetako tituluak (edo titulu horiek eskabideak aurkezteko epea bukatzen den egunean eskuratzeko baldintzak betetzen dituela probatzen duen agiria).
- Curriculum.
- Hala badagokio, 2. oinarriko e) puntuko euskara ezagutzaren agiria.

4. Oinarria. Epaimahai kalifikatzailea.

4.1. Honako kide hauek osatuko dute epaimahai kalifikatzailea:

- Lehendakaria: Juankar Unanua Navarro, Igantziko Udaleko alkatea.
Ordezkoa: Roberto Txoperena Iturbide, Igantziko Udaleko alkateordea.
- Mahaikidea: Edurne Huitzi Eratsun, Igantziko Udaleko Zinegotzia.
Ordezkoa: Bere ordez izendatzen duena.
- Idazkaria: Nagore Madariaga Iriarte, Igantziko Udaleko idazkaria.
Ordezkoa: Bere ordez izendatzen duena.

4.2. Epaimahaia ezin izanen da eratu, ezta jardun ere, gutxienez kideen gehiengo osoa bildu gabe. Epaimahaiak gehiengoz ebatziko ditu deialdiko oinarrien interpretazio eta aplikazioari buruz sortzen diren gorabeherak. Epaimahaiak aholkulari adituen laguntza izan dezake proba batzuetan nahiz guztietan.

5. Oinarria. Probak.

5.1. **Euskara proba.** Baztertzailea izanen da eta C1 edo baliokidea aurkeztu ez duten hautagaiei eginen zaie.

Ahozko eta idatzizko azterketa eginen da eskatutako hizkuntza jakite maila frogatzeko. "Gai" edo "Ez Gai" zat hartuko dira hautagaiak. Proba gainditu beharko da gainerako probak egin ahal izateko. Egitera aurkezten ez direnak baztertuak izanen dira. Probak egiteko lekua eta ordua hautagaiei telefonoz erranen zaie.

Ondoren, epaimahaiak adierazitako egun eta orduan proba teorikoa eginen da.

5.2. **Proba teorikoa:** egin beharreko lanaren inguruko galderak eginen dira test moduko proba baten bidez. Puntuazioa: **30 puntu** gehienez ere eta galdera guztien balioa berdina izanen da.



IGANTZIKO UDALA

Probak egiteko lekua eta ordua hautagaiei telefonoz erranen zaie. Ariketak plika sistema bidez eginen dira.

Epaimahaiak erabakiko du probaren iraupena.

Kontratazio prozeduran parte hartzeko bi eskaera aurkeztuz gero bakarrik, ez da puntu honetan xedaturiko proba teorikoa eginen.

5.3. **Esperientzia:** lan esperientziaren balorazioa eginen da. Puntuazioa: **20 puntu** gehienez ere.

Oinarri hauetan jasotako zehaztapenen arabera merezimenduak dituztela uste duten izangai guztiek curriculum bidez egiaztatu beharko dute eskabidearekin batera. Hala badagokio, epaimahaiak lan bitzita txostena eskatu ahal izanen du hautagaiei.

Lan esperientziaren balorazioa honela eginen da:

- Bertako zerbitzuan aritutako denbora: hilabete bakoitzeko puntu bat.
- Bertze herri bateko zerbitzuan aritutako denbora: hilabete bakoitzeko 0,50 puntu.

Egiaztatutako lan-esperientzian hilabete osorik ez denean proportzioa eginen da, eta dagokion puntuazioa ezarriko da.

Lanaldia osorik ez balitz, dagokion proportzioa ezarriko da.

6. Oinarria. Kontratazioa egiteko izangaien zerrenda.

6.1. Proba teorikotik eta esperientziaren baloraziotik lortutako emaitzekin, epaimahaiak aldi baterako kontratazioa egiteko izangaien zerrenda argitaratuko du Igantziko Udaletxeko iragarki taulan. Era berean, hautagaiei telefono zein ebazpen bidez jakinaraziko zaie egindako proben emaitzak.

6.2. Izangaien zerrendan hurrenkera jartzeko lortutako puntuazioa handienetik hasita eginen da. Horri dagokionez, lehenetsuna emanen zaie Nafar Lansarek helarazitako interes orokorreko edo sozialeko obra eta zerbitzuak egiteko langabeak kontratatze zerrendan agertzen diren pertsonari, jasotako puntuazioaren hurrenkeraren arabera. Jarriki, langabetuak kontratatze zerrendan agertzen ez diren pertsonak agertuko dira zerrendan, jasotako puntuazioaren hurrenkeraren arabera.

6.3. Behin kontratazioa eginda, lanpostua berriz ere hutsik geratzen bada, aurreko atalean aipatzen den gaitutuen zerrendan sartutako izangaiarekin beteko da, eta pertsona horrekin aurreko ataletan adierazitako moduan jardunen da.

7. Oinarria. Datuen babesari buruzko informazioa.

Datuen tratamenduaren arduraduna

Identitatea: Igantziko Udala.



IGANTZIKO UDALA

Helbidea: Karrika Nagusia, 5, 31790,

Telefonoa: 948 637 781

Posta elektronikoa: bulegoa@igantzi.eus

Datuak babesteko ordezkaria: idezkarri@igantzi.eus

8. Oinarria. Errekurtsoak.

Deialdi honen oinarrien aurka edo berau aplikatzeko egintzen aurka, hautara, ondoko errekurtsoetako bat aurkez daiteke:

a) Berraztertze errekurtsoa, egintza burutu duen organo berari zuzendua, hilabeteko epean, hura jakinarazi edo argitaratu eta biharamunetik hasita.

b) Administrazioarekiko auzi-errekurtsoa, Nafarroako Justizia Auzitegi Nagusiko Administrazioarekiko Auzien Salari zuzendua, bi hilabeteko epean, errekurritutako egintza edo erabakia argitaratu edo jakinarazi eta biharamunetik hasita.

c) Gora jotzeko errekurtsoa, Nafarroako Administrazio Auzitegiari zuzendua, hilabeteko epean, erabakia argitaratu edo errekurritu nahi den ekintza jakinarazten denetik hasita.

Gainera, epaimahaiaren egintzen aurka gora jotzeko errekurtsoa aurkezten ahalko da, Udaleko alkate udalburuari zuzendua, hilabeteko epean, errekurritutako egintza edo erabakia jakinarazi ondotik.

Igantzi, 2024ko apirilaren 30ean.

EGINBIDEA:

Konstarazteko zerbitzu anitzetako peoi bat kontratatze aldi baterako lan kontratuarekin eta hautapen proben bitartez arautzen duen deialdia 2024ko apirilaren 30eko 54/2023 Alkate Ebazpen bidez onetsi dela.

Eta horrela jasota gera dadin eta dagozkion ondorioak izan ditzan, honako hau ziurtatzen dut, alkatearen oniritziarekin.

O^oE^o ALKATEA,

IDAZKARIA,

Juankar Unanua Navarro

Nagore Madariaga Iriarte



IGANTZIKO UDALA

I.ERANSKINA

ESKABIDE EREDUA

DATU PERTSONALAK:

Izen- abizenak:.....

NAN edo baliokidea: Jaiotze data:.....

Non jaioa:.....(.....) Nazionalitatea:.....

Helbidea:.....

Herria:..... Probintzia:..... Posta kodea:

Telefonoak:..... Posta elektronikoa:.....

ADIERAZTEN DUT:

- ❖ Deialdiaren 2. oinarrian ezarritako baldintzak betetzen ditudala.
- ❖ Lanpostuan aritzea galarazten didan eritasun edo urritasun fisiko edo psikikorik ez dudala.
- ❖ Indarra duten xedapenetan ezarritako ezintasunetako bakar bat ere ez dudala.
- ❖ Ez nautela ezein Administrazio Publikoren zerbitzutik bereizi disziplina espediente bidez, eta ez nagoela ezgaituta eginkizun publikoak betetzeko.
- ❖ Deialdiaren 2. oinarrian eskatutako titulazioaren frogagiria aurkeztu dudala.
- ❖ Ezarritako baldintza guztiak betetzen ditudala, eskabideak aurkezteko epearen azken egunerako.
 - Euskara maila frogatzen dut. (*Adierazi X batez zein den*).
 - Euskara proba egin behar dut. (*Adierazi X batez zein den*).
- ❖ Epaimahaiari baimena ematen dudala sakelako telefonoa edo e-posta erabiltzeko hautapen probak zein toki, egun eta ordutan eginen diren jakinarazteko.

ESKATZEN DUT:

IGANTZIKO IGERILEKU PUBLIKOAN SOROSLE ARITZEKO, ALDI BATERAKO LAN KONTRATUAREKIN ETA HAUTAPEN PROBEN BITARTEZ PROZESUAN ONARTUA IZATEA.

(Eguna eta sinadura)